



Broj: 12-11-15-170/24
Sarajevo, 15. 1. 2024. godine

Na osnovu člana 70. i člana 89. stav (3) Zakona o javnim nabavkama („Službeni glasnik BiH“, broj: 39/14 i 59/22) i preporuke iz Zapisnika o pregledu i ocjeni ponuda u postupku, konkurentski zahtjev za dostavu ponuda za izbor najpovoljnijeg ponuđača za nabavku telekomunikacijskih usluga za potrebe Ureda za reviziju institucija u Federaciji BiH za budžetsku 2024. godinu broj: 12-11-15-3468-10/23 od 11. 1. 2024. godine (obavještenje o nabavci broj: 296-7-2-26-3-36/23 objavljeno je na Portalu javnih nabavki 15. 12. 2023. godine), generalni revizor donosi

ODLUKU

o izboru najpovoljnijeg ponuđača i dodjeli ugovora u postupku javne nabavke telekomunikacijskih usluga

I

U postupku javne nabavke telekomunikacijskih usluga putem konkurentskog zahtjeva za dostavu ponuda, Ugovorni organ donio je odluku o izboru najpovoljnijeg ponuđača, i to:

- za LOT 1 – Usluge pristupa interneta u Sarajevu, Tuzli i Bihaću – „BH Telecom“ d.d. Sarajevo za ponuđenu cijenu od 13.999,70 KM bez PDV-a;
- za LOT 2 – Nabavka usluge pristupa internetu u Mostaru - JP „Hrvatske telekomunikacije“ d.d. Mostar za ponuđenu cijenu od 1.309,00 KM bez PDV-a;
- za LOT 3 – Nabavka usluge mobilne telefonije – „BH Telecom“ d.d. Sarajevo za ponuđenu cijenu od 3.036,88 KM bez PDV-a;
- za LOT 5 – Nabavka usluge fiksne telefonije u Mostaru - JP „Hrvatske telekomunikacije“ d.d. Mostar za ponuđenu cijenu od 2.141,66 KM bez PDV-a;

II

Ova Odluka će se dostaviti svim ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

III

Ova Odluka stupa na snagu danom potpisivanja.

O b r a z l o ž e n j e

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama („Službeni glasnik BiH“, broj: 39/14 i 59/22) i Odlukom broj: 12-11-15-3468/23 od 6. 12. 2023. godine, pokrenuo postupak javne nabavke telekomunikacijskih usluga fiksne i mobilne telefonije i pristupa internetu za budžetsku 2024. godinu, podijeljen na pet lotova:

- LOT 1 – usluge pristupa interneta u Sarajevu, Tuzli i Bihaću
- LOT 2 – usluge pristupa interneta u Mostaru
- LOT 3 – usluge mobilne telefonije
- LOT 4 – usluge fiksne telefonije u Sarajevu, Tuzli i Bihaću
- LOT 5 – usluge fiksne telefonije u Mostaru.

Obavještenje o javnoj nabavci, broj: 296-7-2-26-3-36/23 objavljeno na Portalu javnih nabavki 15. 12. 2023. godine.

Postupak je provela Komisija imenovana Rješenjem generalnog revizora broj: 12-11-15-3468-1/23 od 12. 12. 2023. godine, koja je o istom sačinila: Zapisnik o otvaranju ponuda, Zapisnik o zaprimanju ponuda, Analitički prikaz traženih i dostavljenih dokumenata – Kvalifikacija ponuđača broj: 12-11-15-3468-6/23 od 9. 1. 2024. godine i Zapisnik o pregledu i ocjeni ponuda broj: 12-11-15-3468-10/23 od 11. 1. 2024. godine.

U postupku pregleda i ocjene ponuda utvrđeno je sljedeće:

- na protokol Ugovornog organa ponude su dostavila dva ponuđača i to: BH Telecom“ d.d. Sarajevo za LOT 1, LOT 3 i JP Hrvatske telekomunikacije d.d. Mostar za LOT 2 i LOT 5;

- iz analitičkog prikaza traženih i dostavljenih dokumenata konstatuje se da ponuđač „BH Telecom“ d.d. Sarajevo ispunjava zahtjeve iz tenderske dokumentacije za LOT 1 i LOT 3, dok ponuđač JP Hrvatske telekomunikacije d.d. Mostar ispunjava zahtjeve iz tenderske dokumentacije za LOT 2 i LOT 5.

- s obzirom da je u predmetnom postupku nabavke za LOT 1, LOT 2, LOT 3 i LOT 5 Ugovorni organ primio jednu prihvatljivu ponudu e-aukcija se nije mogla zakazati;

- cijene ponuda za LOT 1, LOT 2, LOT 3 i LOT 5 ne prelaze planirana sredstva ugovornog organa;

- komisija je odgovornoj osobi Ugovornog organa predložila da za telekomunikacijske usluge za potrebe Ureda za reviziju za 2024. godini donese odluku o izboru najpovoljnijeg ponuđača i dodijeli ugovor ponuđaču:

- „BH Telecom“ d.d. Sarajevo za LOT 1 – usluge pristupa interneta u Sarajevu, Tuzli i Bihaću i LOT 3 – usluge mobilne telefonije, s obzirom da je ugovorni organ za ove lotove primio po jednu prihvatljivu ponudu i to ponuđača „BH Telecom“ d.d. Sarajevo;

- JP „Hrvatske telekomunikacije“ d.d. Mostar za LO2 – Nabavka usluge pristupa internetu u Mostaru i LOT 5 – Nabavka usluge fiksne telefonije u Mostaru s obzirom da je Ugovorni organ za ove lotove primio po jednu prihvatljivu ponudu i to ponuđača JP „Hrvatske telekomunikacije“ d.d. Mostar.

Na prijedlog Komisije Ugovorni organ je donio odluku kao u dispozitivu.

Pouka o pravnom lijeku

U skladu sa članom 99. i članom 101. Zakona o javnim nabavkama protiv ove odluke može se uložiti žalba u roku od 5 (pet) dana od dana zaprimanja odluke.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

Dostavljeno:

- „BH Telecom“ d.d. Sarajevo
- JP „Hrvatske telekomunikacije“ d.d. Mostar
- U spis predmeta nabavke
- a/a.



GENERALNI REVIZOR

Dževad Nekić